

Pretoria

Deur Thys Snyman

Waarnemende aanstellings

Die volgende lede het as regters in die Noord-Gauteng Hoë Hof waargeneem:

Louis Vorster SC:

8 April tot 14 Junie 2013;

Solly Sithole SC:

8 April tot 14 Junie 2013;

Marius Oosthuizen SC:

27 Mei tot 14 Junie 2013;

Louis de Klerk SC:

29 April tot 24 Mei 2013;

Ig Bredenkamp SC:

8 April tot 12 April 2013;

Gerrit Muller SC:

8 April tot 12 April 2013;

Kobus Strijdom SC:

29 April tot 31 Mei 2013;

Nicoline Janse van Nieuwenhuizen SC:

13 Mei tot 14 Junie 2013;

Thami Ncongwane SC:

20 Mei tot 7 Junie 2013.

Connie Prinsloo het vanaf 14 tot 18 Januarie 2013 en vanaf 7 April tot 11 Mei 2013 as regter in die Arbeidshof waargeneem.

Piet de Jager SC

Piet de Jager SC is nie net 'n advokaat, skrywer en rolprentmaker nie, hy is ook 'n digter en orgideë-kweker. Hy was in sy veertigerjare toe hy begin dig het. Hy het dan ook in sy digbundel *Ouhout* 'n gedig opgedra aan Albert Camus, die skrywer van die Franse roman *La Peste* welke roman Piet in Afrikaans vertaal het.


Een van Piet se volgende projekte is *Losing Molly* wat gebaseer is op die ware verhaal van advokaat Bram Fischer se tragiese verval nadat sy vrou in 'n fratsongeluk oorlede is.

Piet het vir dekades al 'n groot liefde vir orgideë en dit het aanleiding gegee tot 'n volwaardige kwekery met duisende orgideë by sy woonplek te Bronkhorstspuit.

Die Pretoria Balie wens hom sterkte toe in al sy verskeie werke, beroepe en belangstellings.

2013 Winter Blanket Project

Members of the Pretoria Bar again generously contributed towards the annual Winter Blanket Project.

Almost a 1000 blankets were donated by the Bar to four charity organisations for distribution amongst homeless people in the city as well as to other needy charities in Pretoria. 

Adjunk-Regterpresident WJ van der Merwe



Regter Willem Jacobus van der Merwe het die grade BA Regte (1963) en LLB *cum laude* (1965) aan die Universiteit van Pretoria verwerf. Hy begin op 1 Desember 1967 as lid van die Pretoria Vereniging van advokate te praktiseer

nadat hy eers voltyds en daarna deelyds aan die destydse Departement Romeins-Hollandse verbonde was. Op 1 Maart 1985 word hy as waarnemende regter aangestel tot en met sy permanente aanstelling op 29 Junie 1985. Op 1 Desember 2009 word hy as waarnemende Adjunk-Regterpresident en op 29 April 2010 as permanente Adjunk-Regterpresident van die Noord-Gauteng Hoë Hof aangestel, 'n posisie wat hy tot sy aftrede beklee het.

Skrywer het sedert 1986 in verskeie sake voor regter van der Merwe verskyn, en het hom saam met baie van sy kollegas, altyd as 'n ware 'gentleman' ervaar. Hy het sterk en gesonde dissiplines openbaar en sy optredes het altyd respek en agting afgedwing.

Hy het 'n reuse bydrae tot die regspleging gemaak. Regter Van der Merwe se 'afskeidswoorde' is, kortliks, soos volg, en ek haal aan:

'Kort na my aanstelling as Adjunk-Regterpresident van Noord-Gauteng het dit duidelik geword dat die *Praktykshandleiding* wat in 1985 die lig gesien het totaal en al onvoldoende is. In die jare sedert 1985 is talle direkte uitgereik wat geen sin meer gemaak het nie. Daarom was die *1950 Praktykshandleiding* hersien sodat dit tot 'n groot mate aangepas het by dié van Suid-Gauteng. Die wesenlike verskille tussen die twee afdelings se *Praktykshandleiding* is dat in Noord-Gauteng 'n totaal en al ander prosedure gevolg is by onbestrede mosies, bestrede mosies en spesiale mosies. Die praktyk ten opsigte van siviele verhore was ook heeltemal aangepas. Dit het aanleiding gegee tot 'n verbetering in die vloei van sake en die afhandeling daarvan. Die wagtyd vir alle vorme van sake het drasties afgeneem. Praktisyns het ook voortaan geweet wat die benadering is wat ek gevolg het en hoe die praktyk hier toegepas is. Ek is tevrede dat daar tot 'n groot mate orde gekom het in die administrasie van alle vorme van litigasie.

'Ek is reeds dikwels gevra oor hoogtepunte en laagtepunte in my loopbaan as

regter. Normaalweg beskou mense hoë profielsake as hoogtepunte in hulle loopbaan. Ek dink dit is verkeerd om dit so te beskou. Alle sake behoort vir 'n regter ewe belangrik te wees aangesien 'n hofsak vir elke litigant die belangrikste saak in sy of haar lewe is. Natuurlik is dit so dat daar meer publisiteit geheg word aan sekere sake maar moet 'n regter altyd daarteen waak dat die publisiteit hom of haar nie tref nie. 'n Regter behoort immuun te wees teen sodanige publisiteit.

'Ek kom uit 'n akademiese agtergrond en sou baie graag die akademiese sy van die reg tot 'n groter mate wou toepas in my daaglikse regspleging. Dit was egter nie moontlik nie. Die werksdruk in Noord-Gauteng was oor al die jare sodanig dat ek nie tot my eie bevrediging voldoende aandag aan navorsing kon gee nie. As daar dan ooit gesê kan word dat ek 'n laagtepunt in my loopbaan ervaar het, dan sal dit wees dat ek te min tyd gehad het om beter navorsing te doen om beter uitsprake te kon gee.

'As ek werklik 'n hoogtepunt moet probeer uitsonder, dan is ek van mening dat my tydperk as Adjunk-Regterpresident 'n hoogtepunt was. Ek was in 'n posisie waar ek my eie kreatiwiteit kon laat geld en waar ek so hard kon werk as wat ek wou. Ekself kon die